

TAUTE

Questa poesia e' stata scritta dal maestro Doff Sotta Remigio di Imer in occasione della nuova costruzione delle scuole elementari anno 1902. Allora era considerata la più grande struttura costruita in Valle Merita un'attenta riflessione alla terminologia e dialettica che ormai sta per essere dimenticata.

TAUTE

QUESTA TE L'HAI DE CONTAR: 'L ERA QUEL AN
CHE I FEA LE SCOLE NOVE I MEDANESCHI;
E CIO'... SE SA CHE, CO SE A DIT MEDAN
COSNERI, BORTOLOI, TONERI E ZESCHI,
LA VA DE ROBA IN GRANDO, USO BACAN
" O TANT E BON, O GNENT "; E , FRESCHI, FRESCHI,
I TE TRA SU 'N PALAZ CHE, SENZA FAL,
L'ERA LE MEJO SCOLE DE LA VAL.

L ERA, SU DO, FENI' LA MURADURA,
TRA NICLODI E BENZI, A TOCHI E A LOTI;
E I ERA DRIO A LAORAR A LA QUERTURA;
QUA DE QUA, SU LA PIAZA DE 'L GIGIOTI,
EN MUCIO DE LEGNAM, DE FAR PAURA;
EN GRAN SQUARAR, EN GRAN FRACAS DE BOTI;
QUAN CHE - QUEL CHE NO 'L E - SE SENT BUSNAR,
CHE... 'L ARCIDUCA EUGENIO, HA DE PASAR!

"VERGENATA MARISI! EN ARZIDUCA
NO L'E ROBE CHE PASE TUTI I DI'E,
ASARSELO SCAMPAR A LA BAUCA,
SENZA MOLDERLO 'N SCIAN- ME PAR A MI -
'L E 'N PECA' CO LA COA, CHE GHE OL 'NA ZUCA
CIODINA A NO PENSARGHE... O-TU DE PI'?
ZENT, CHE MARENGHI LA GHE N' HA A CRUZIAD
E LA I MISURA A STER, FA LE PATATE!"

CO 'S -TE SPERANZE, EL TONI DEI BOERI,
CHE 'L ERA SE CAPIS CAPOCOMUNE:
"ZO NA CURENDA E... NO GHE N'E MESCERI!
FAGHE 'L BORTOL BETIN LE SO FORTUNE,
E 'L PENSE A ME ARBINAR I CONSILGERI!"
UN 'E ERA SIEGAR DORK, SU PER LE GUNE,
UNO A FAR LEGNE, VIA TE 'L PIADOCHIN;
'N ALTRO IN CALTENA, 'N ALTRO TE 'L SCAORIN...

AHH!! 'L BORTOL, PORO CAN, LA LENGUA FORA,
SU DE NA RIVA, ZO DE 'N SLARAVRE';
QUA 'L TITA GRASI, EN SCIENTENIN DE FORA
EL BEPO COSNER - NO ME CREDERE' -
TE 'N BATER DE OCIO, - CORPO DE 'NA SIORA! -
EL TE LI BECA, QUANTI CHE GHE N'E:
E 'STI ONORANDI, A FIN DE LA JORNADA,
I ERA TUTI A SESION, TUTI IN PARADA.

INTANT CHE I SPETA 'L TONI -CHE 'L E 'NDAT
FIN TE LA STALA, A VEDER 'NA VEDELA,
CHE I GHE HA BU MENA' A CASA SU 'N STROZAT,
SCAVAZADA 'NA GAMBA IN COSTONZELA -
I IMPIA LA STOZA E, PAR EN BON PEZAT,
I SE DOMANDA UN L'ALTRO:"OSTREGA BELA!
CHE DIAMBRA GHE 'N SARALO, DE MANDAR
FORA PAR LA STEMANA A NE CIAMAR !?"

ECO! QUESTO 'L E 'L TONI!..." BONA SERA!
"BONA!"-'L GHE FA EL CHECONE - E 'STO ANIMAL?"
"TASI 'N MIRACOL! ORMAI SE SPERA,
CHE 'L SE PODE REMETER MENO MAL".
"COME ALA FAT MO'?" "EN SAS TE 'NA CROSERA
LA ME HA CIAPA', CHE LA PASEA 'L BOAL,
QUA SE TI HA IN MENT, DE DENTRE DE 'L TRAGHET...
E 'L LA HA PARADA A TOMBOLE, DO DRET".

"BURTE MENADE!" "SE HA-LO DE TACAR?-
EL SEGRETARIO EL BRONTOLA - 'L E' ORA!"
EL VERZ,EL LEZ PIAN PIAN E 'L FA FIRMAR
EL PROTOCOLO VECIO E, CO L'E FORA
QUELA, E CO TUTI I SE E' RISCADI A FAR,
BEN O MAL EL SO SGRIF, EL TONI, ALORA,
EL RASA 'N SCIENT, EL SE SCURIS LA ZIERA
E PO' 'L TACA A PARLAR TE 'STA MANIERA;

"QUA, CONSILGERI - A DIRLA - SE ARA ZOPA
MAGRA; CHE' I SOLDI I NE VA FORA A BRAZE!
AL TEMP DEL MAESTRO LINO E LA CANOPA,
I NOSI VECI - RESCHIESCANT IN PAZE -
E ANCA NOI, CO DO STUE, SCOLA FIN TROPA;
E SE IMPAREA POLIT, MOSCOL! NO FAZE
PAR DIR... E, CIO', CO I SOLDI CHE VANZEA
'L ERA MONTAGNE E BESCHI CHE SALTEA!"

MA CONTEGHELA 'DES! DO MAESTRI SOLI ?!...
TANT FA 'L FUSE 'N SCANDAL! QUATRO I GHE N' OL.
E I TOSATI I VEN SU VERI PANDOLI,
BONI DE 'N FRUSCIA...OOH! LORI, NO GHEN DOL;
MA QUA, VERTUS, LA VA DE AFARI MOLI;
BANCA NOTE A CHENUK, CHE 'L SA DIO SOL;
E NO BASTA, A SUGAR 'STO DEBITON,
GNANCA TUTE LE TAJE DE 'L COSTON!"

"EH, RESON SANTA!" "GNANCA DE PARLAR!"
KLI MARMUGNA QUEI ALTRI. "DBEN, SCOLTE'!...
E 'LORA,DOMAN L'ALTRO, HA DE PASAR
EL ARZIDUCA EUGENIO"... "HATU DIT CHE?!
EN ARZIDUCA?!" " PROPRIO!!" EH ... A NO SCHERZAR..."
" CHE SCHERZAR PO', D'EGITO? OCIO! VARDE!"
QUA' E' 'L AVVISO DE 'L CAPITANATO!
'L E' VEGNEST QUA, IN COMUN, E ZO A 'L CURATO".

" EN ARZIDUCA, CIO'!! CRISTOLE, TONI!
MI ME PAR CHE PI BELA DE COSI'..."
EL SCOMENZIA A BUSNAR EL BORTOLONI;
E 'L CAPO: " GIUSTO QUEL CHE DIGHE MI:
FARLA TESAR, SE NO SON QUATRO ZONI!...
E 'LORA , A FAR POLITO, VI -TU TI?
EN CIK DE FESTA, DE SOLENITA'
E...CIO', I MARENGHI 'L NE LI SGNACA QUA!"

" PROPRIO! - 'L FA 'L TOTO - SE FA DO 'NA ISTANZA-"
" 'NA ISTANZA DITU ?! PETI PAR LA TOS!
QUATRO PAROLE, INVEZE, E DE PIEN PANZA,
POJADE LA POLIT!" – "CO LA ME OS!"-
"GHE 'NDON INCONTRA NOI, RAPRESENTANZA,
EL CURATO,E LA BANDA..." "ANCA?!" - E, SE POS
DIR, AI BANDISTI DARCHE LA JORNADA,
CHE', SE 'L MASCIO 'L NE REZ, LA E' BEN PAGADA!"-

" GIUSTA!" - "EH, DE GIUSTA! CHE' 'N CIK PI', 'N CIK MANCO..."
- E 'LORA, SEU DECORDO?" - EH SODISFATI!"-
" BEN, TI CIO', BORTOL, NO CIAPARTE ZANCO!
AVISA 'L GIORGIO, I MAESTRI E PO' I TOSATI,
QUEI POCHI CHE GHE N'E TE 'L PAES, ALMANCOL!"
E, CO 'STO DIR, EL TONI E I DEPUTATI
I FENIS LA SEDUTA, I TACA A 'NDAR,
E I TORNA, DRETI, A CASA A SE POJAR.

CO 'L E 'L DI' DRIO - LE VEJE - BARAONDA.
QUEI DE LA BANDA, A PROE, SI CHE 'L BUDEL
I GHE REMET E I FA JORNADA TONDA.
E I ONORANDI, PENSETE! "AL CAPEL,
'NA RANGIADA, TONINA!" - E - "QUA LE OL SONDA
'STE SCARPE!" - E - "TI, NENOTA, ORPO DE QUEL,
SPAZEME ZO I BRAGOI; E, A LA JACHETA,
ARNOVEGHE 'L MONZEST E LA SPIGHETA!"

E 'L TONI - SE-TU MAT? - CO 'STO PENSIER
DE LE QUATRO PAROLE - ORCA MALORA! -
FIN TE LA STALA, CO 'L E DRIO A 'L MESCIER,
EL MOSTEGHEA DISCORSI, E 'L GHE FA SORA
LE SO ECHE, EL SO CONDAM: TUT INCER,
LA', SU IN ZIMA A 'L PONTON SENTELO! "E 'LORA..."
EL PESTOLEA, 'L SE VOLTA, E DO LA ZUCA,
TAN FA SE 'L TORO 'L FUSE 'L ARCIDUCA.

COME CHE 'L SIGNOR OL, VEN DI', QUEL DI',
CHE GNANCA CO LA LUM NO TI GHE N' CATI
'N ALTRO SI' FAT. LE ZINQUE, A DIR DE PI',
E ZO A LE SCOLE BULIGHEA TOSATI;
TRAZA ONORANDI, SLISI - SA-TU TI? -
CAVEI ONTI E LA SEMEDA... REFATI,
I TRE PAREA, CO 'N TONO E 'NA ANDADURA
MEZ E MEZ TRA LA TENCA E LA PAURA.

"NO, TOFOL! QUA, DE QUA DE LA FOSINA,-
LA BANDA!" - EL SE SCALMANA 'L BASCIANON -
"E LA', DE DENTRE, VERGEGHE MARTINA,
SI', QUA SU 'L ARDEN, SORA 'L SIMONON,
'NA FILA DE TOSATI; E, QUA VESINA,
'N 'ANTRA, COSI', IN TRAVERS, QUA SU 'L STRADON!..."
E 'L ERA TRE ORE BONE CHE I SPETEA;
E 'STO ARCIDUCA, CIO', MAJ NO 'L SPONTEA.

"CAPO!!" - "BORTOL?!" - "EL VEN!" - "VEGNELO?!" - "SI'!"
EL PASEA 'L CAPITEL DE TUTA ANDADA,
CO ERE FORA A 'L TALGIANO. ECO! SENTI'
I MORTERI DE IMER!" - "BORTOL, FAI STRADA!
LARGO, VOIALTRI LA'!... NO ME HE' CAPI'?
FEMENE, LARGO!!" - EL DA' INTORNO 'NA OCIADA:
LA BANDA QUA; I TOSATI, ALMANCO 'N SAJO:
I ONORANDI; EL CURATO... "E 'DES... CORAJO!"

EN SUBIT, E 'L E' QUA! FERMI, I CAVAI,
TAN FA DE LEGN, COFA' LA CARETINA!
VARDA CHE CUBIA! VARDA CHE ANIMA!"...
"ECO 'L CURATO, CIO', CHE 'L SE ARVESINA!"...
"E 'L CAPO?" - "EL CAPO, DI-TU ? NO HER TRAVAJ,
CHE EL EL SA EL FATO SO'!" - TOH, CON CHE INA
CHE' 'L SE VOLTA A LA BANDA, E : " GIORGIO! - 'L DIS -
EL INO DE 'L IMPERO! E SOFIAR FIS!!"-

MA ... CHE GHE N'E-LO?!... EL PRINZIPE, 'STA OLTA,
EL PAR CHE 'L APIE DIT QUALCHE PAROLA
A 'L TONI...E 'L TONI, FA COSTA' 'L SE VOLTA,
E: " 'L HA DIT CHE TASEDE..." - 'L FA A LA MOLA;
E QUEI ALTRI - CHE L'ACQUA I GHE LA HA TOLTA -
I RES TA LA', AVELIDI FA 'L MAZOLA:
E 'L SORO, INTANT CHE 'L POJA ZO 'L TROMBON:
"BE-BEN - EL CHICHIGNEA - TA-TASERON!"

PAR VIA DE STA SNASADA - MAREDEA?! -
EL TONI...FATO STA', NO 'L E PI QUEL:
EL PAR FAT SU LE BRASE, EL SCARPEZEA;
EL SE GRATA LA COPA,E SU 'L PI BEL!...
EL TUNCA; 'L SE COMEDA;EL SCOCHEDA;
EL SCHIZA LA CAPURLA DE 'L CAPEL...
E ADES, DEMO', 'L SE ACORZ, PORO FAGHER,
CHE ALTRO 'L E 'STA CAROZA, ALTRO 'L FENER!

SBIAK EL DEVENTA; E 'L GRONA DE SUDOR;
E 'L HA LA TESTA STORNA FA 'N RABUL...
MA,CO 'L CAPIS CHE LA VA DE 'L ONOR;
CHE, SE NO 'L PARLA, 'L PASA PAR EN ZUL,
EL SEGNA LA SCOLA E 'L FA': "QUA, SIOR,
SE HA OLES TIRAR EL PET PI' GRANT DE 'L CUL;
E...SE AUERIE PREGARLO - A DIRLA PURA -
SE 'L NE DESE 'NA MAN PAR LA QUERTURA!"...

CHEGOLE MAGRE, TONI! 'N BRUT MESCIER,
CO TUT EL TO AFANARTE E LA TO CHIGA,
CO TUTE LE PROATIVE FATE INGER!
E MENO MAL SE, DRIO LA TO FADIGA,
LA CAORA AE' TESA'... MA I BUSNA A IMER
CHE 'L ARZIDUCA, A CONT DE TANTA BRIGA,
EL VE APIE ASA', CO 'L HA PASA' I CONFINI,
DEMO' DIESE ROGNOSI DE FIORINI!

DIESE FIORINI! A 'N ALTRO DE PI' DUR!...
CO GHE HAE' DAT EL SO TANT A I SONADORI,
GRASA SE NO 'NDE' IN DEBITA!... CHE MUR!!
E TI, CAPOCOMUNE, ESTRA I SUDORI,
PARECETE LE SPALE; E STAI SEGUR,
CHE 'L TOTO - SEMPRE PRONTO A FARGHE I ORI -
NO 'L MANCHERA' DE DIR: " MEJO LA ISTANZA,
CHE LE TO QUATRO BALE, DE PIEN PANZA!"

COSI' LA E' STATA. E, QUAN CHE 'L SIOR CURATO
EL GHE DOMANDA A 'L CAPO " HA-LA TESA' ?"
" 'NA CIAVADA SU I FIOCHI! - EL RUGNA - MATO!
GNANCA DE PODER FAR LA CARITA'!...
SALO? PAR DIRGHE SCET E NET EL FATO,
DRIO LA STANGADA BURTA, CHE HON CIAPA',
PODON CANTAR FA 'L GAL, A ALTA OS:
" A NOI LA MERDA E A 'L PRINZIPE LA NOS!"